

地

倭漢三才圖會


八十九	七十九
石草類	水草類




和
四
〇

和
植物
13
75

庫	文	閣	内
三〇函	三〇八冊	和書類	

内閣文庫	
番號	和 30284
冊數	81 (75)
函號	210 9





和漢二才圖會卷第九十七之八目錄

卷之九十七

水草

藻類
苔類

澤瀉

酸模

白苜

菰

蘋

蘼草

菖蒲

燕子花

苦草

萍蓬草

羊蹄

石菖

香蒲

浮萍

睡蓮

蒲黃

浮萍

和漢二才圖會

卷之九十七

水草

茗

金銀蓮花

藻類

藻

海髮

海蘊

十六島苔

紫菜

末滑海藻

蓴

ぬき

海藻

石花菜

於期菜

龍鬚菜

石蓴

昆布

立金花

金立花

水葵

莫鳴菜

鷄冠菜

鹿角菜

櫻苔 附 松苔

海帶

鹿尾菜

水松

苔類

陟釐

船底苔

垣衣

烏韭

地柏

馬勃

海索麩

乾苔

地衣

瓦松

百葉草

玉柏

海人草

井中苔

石蕊

屋遊

卷柏

艾納

本草綱目

卷之三

卷之九十八

石草類

石斛	骨碎補	石章
金星草	石長生	虎尾草
景天	佛甲草	以知草
壁生草	虎耳草	石胡荽
螺厝草	酢漿草	地錦
崖梭	吉祥草	蟹草

和漢三才圖會卷第九十七

水草

攝陽 城醫法橋寺島良安 尚順編



澤瀉 水瀉 鵲瀉
及瀉 芒茅
禹蓀 蒹

本綱澤瀉春生苗多在淺水中葉似牛舌草獨莖而長秋時開白花作叢似穀精草秋末采根暴乾今處處有之不堪用惟用漢中青州代州者大而長尾間必有兩岐為好根甘平養五臟益氣力入足太陰經逐三焦停水久服明目又云多服昏目蓋能瀉伏水去將中留垢故明目而

多利小便去水故腎氣虛乃昏目然地黃丸用茯苓澤瀉者乃取其瀉膀胱之邪氣非為引接也古人用補藥必兼瀉邪邪去則補藥得力一闕一闕此乃玄妙后世不知此理

△按澤瀉出於丹波者堅實肉白為上越後之產輕虛而為次然越後者形狀似乎唐澤瀉丹波者稍異

薺草

本綱薺草生水旁葉似澤瀉而小花青白色亦堪蒸啖味甘江南人用蒸魚食甚美



蓄同牛舌菜 敗毒菜 秃菜 羊蹄大黃 東方宿鬼呂 連蟲陸

水黃芹子名金蕎麥

本綱羊蹄菜近水濕地生之葉長尺餘似牛舌之形入夏起莖開花結子花葉一色夏至即枯秋深即生凌冬不枯

根長近尺赤黃色如大黃胡蘿蔔形莖赤亦可瀹為茹滑美詩小雅言采其蔬也以治禿瘡名禿菜其葉可潔擦礮石

根苦寒屬水走血分新采者磨醋塗癬速效又能治頭上白禿白屑面上紫塊癰瘍癩風

△按羊蹄似蕪菁葉狹長夏起莖小莖三尖莖攢著枝葉叔抄如穗開黃花微小難見變褐色中有子根似胡蘿蔔莖黃色味鮮酸根赤豬紅大能治小瘡謂羊蹄根也



酸模

ソリンモウ 俗云須加牟保 和名須之

山羊蹄 蔞 山大黃 薺菜 酸母 當藥

本綱酸模生山岡上平地亦有根葉花形並同羊蹄但葉小味酸為異人亦米食其莢其根赤黃色微苦能治疥癬
△按酸模葉似菠薐而莖赤味酸細赤花作穗根如上說



菖蒲

昌陽 堯韭
水劍草

和名阿波女久佐

今唯呼ツシ字

音

本綱菖蒲冬至後五十七日菖始生菖者百草之先生者春生青葉四時常青新舊相代葉中心有脊狀如劍二三月間抽莖開細黃花成穗其根一寸九節者良

△按菖蒲者總名而本草有五種今分為三種菖蒲石菖白菖是也入藥宜用石菖根醫書雖白菖蒲根不可惑菖蒲乃石菖之大者長二三尺濶五六分有劍脊五月五日菖屋擔者也或伴日浴菖蒲湯或以石菖根漬酒

飲之則禳邪氣

一種有花菖蒲開紫花似白菖花而瘦小

あやめ草九葉とや烟へてあやめ草を六つとせん



錢蒲

石菖蒲

今云石菖蒲
カウライ草

本綱石菖蒲生於水石之間葉有劍脊瘦根密節高尺餘一種人家以瓦石器栽之一年至春剪洗愈剪愈細高四五寸葉如韭根如匙柄粗入藥須用此二種根一寸九節者

一種 錢蒲其根長二三分葉長寸許

石菖根 辛温 通九竅明耳目出音聲益心智延年手足少陰心氣不足者用之虛則補其母也肝苦急以辛補之是

也以為神仙之靈藥鐵節羊肉勿犯
 △按石菖多栽水盆常灌水則能繁茂眼病人弄之見其
 蒼色為狀春抽莖開細黃花成穗凡石菖菖蒲之類葉
 有劍脊而為香臭氣也白菖燕子花之類葉無劍脊色
 亦淡軟韌而無香氣以為異所謂錢蒲乃俗云髭石菖
 又名高葉長一二寸其細小者為佳品
 麗石菖



白菖

ベツモン

泥菖蒲莖蒲
 昌陽
 水菖蒲水宿
 溪孫 蘭孫
 今云阿夜女

本綱有二種一種生於池澤根大而肥白節疎者白昌也
 俗謂之泥菖蒲
 一種生於溪澗根瘦而赤節稍密者溪孫也俗謂之水菖
 蒲其葉俱無劍脊其根乾後輕虛多滓不堪入藥

△按白菖蒲葉花皆似燕子花而瘦小其花紫色如飛燕
 狀又有白花者淡紅花者皆變種也
 著聞集曰堀川院時大江為武獻菖蒲書
 進上 水邊菖蒲千年五月五日 大江為武
 人不能解之師賴卿其時為見之暫默而得讀帝甚戲
 太感賞二人オ

なまらわらるるをのあまらるるをのあまらるる

燕子花

かきつばた 加波豆波太



漳州府志云紫花全類燕子一校數葩漳人名為紫燕
 △按燕子花其葉似白菖而大色淡其花實共似白菖而
 肥大為紫色之正近頃出淺紅者白色者皆變種也五

月為盛又有四時開花者參州八橋之產得名
 倭名抄用劇草或用杜若訓加岐豆波太並訛也劇草
 馬蘭也濕草杜若藪生薑也芳草



香蒲

甘蒲 醜石
 和名加末
 蒲黃 蒲穂
 蒲萼花
 加末乃波奈

本綱香蒲春初叢生水際似莞而偏有脊而柔其嫩葉出
 水時紅白色者取其中心啖之至夏抽梗於叢葉中花抱
 梗端如武士棒杵故俗謂之蒲槌其花中蕊屑謂之蒲黃
 細若金粉當欲開時便取之市廛以蜜搜作果食貨賣八
 九月收葉以為席亦可作軟滑而温
 蒲黃 甘平手足厥陰血分藥也故能治血與五靈脂同用

能治一切心腹諸痛補血破血消腫者生用之
 又舌脹滿口或重舌生瘡者傳之即瘥
 △按香蒲花狀頗似銚故謂蒲銚作松明甚良採蒲黃入
 藥出於尾州者佳攝州賀州者次之
 今多刮取海鰻魚肉煉粘於竹管作蒲銚形炙則為魚
 黃色彷彿故亦名之蒲銚



菰

菰音
 又云波奈加豆美

本綱菰生江湖波澤水中葉如蒲葦葦刈以飼馬作薦春
 末生白茅如筍謂之菰菜又名莖白生熟皆可啖甜美其中心
 如小兒臂者謂之菰手又名蓬蘽作菰首者非也其小者臂之
 內有黑灰如墨者謂之烏鬱人亦食之其根亦如蘆根而

相結而生久則并生浮於水上謂之菰封刈去其葉便可耕蒔又名葑田八月抽莖開花如葶結青子長寸許霜後采之皮黑褐色其中子甚白滑膩是乃彫胡米也歲飢人以當糧為餅甘冷香脆穀類疋菰之種類皆極冷不可過食之


△按菰葉織薦即稱古毛今多用稻葉織置薦亦名古毛本出於菰薦也又用葉裹粽
烏鬱コモノ用為婦人代黑甚良無之時用莖根燒灰亦佳又和油塗軟癬痕禿者能生毛髮

苦草

本綱苦草生湖澤中長二三尺狀如茅蒲之類婦人白帶煎湯服之佳



蘋



浮萍

和名宇岐久佐

本綱浮萍池澤水中甚多季春始生或云楊花所化一葉經宿即生數葉葉下有微鬚即其根也有背而皆緣者又有面青背赤若血者謂之紫萍入藥為良七月採之
浮萍日辛寒或酸性輕浮入肺經達皮膚能發邪汗治時行熱病甚有效又利小便治水腫鵬味又能止吐血

蘋

芥菜 四葉菜 田字草

本綱蘋葉浮水而根連水底其莖細於擊密其葉大如指頂面青背紫有細紋頗似馬蹄決明之葉四葉合成中折

十字夏秋開小白花其葉攢簇如萍
 蘋甘寒下水氣利小便又搗之塗熱瘡良
 一種有陸生者多在稻田沮洳之處其葉四片合二與蘋
 一樣但莖生地上高三四寸不可食是青蘋也



萍蓬草

水栗子
 俗名加波保稱
 俗用川骨二字

本綱萍蓬草生南方池澤三月出水莖大如指葉似荇葉
 大徑四五寸初生如荷葉六七月開黃花未開時狀如筭
 袋結實狀如角黍長二寸許內有細子一包如粟澤農
 采之洗擦去皮蒸曝春取米作粥飯食之
 根甘寒如藕饑年人亦食之作藕香味如栗者食補虛
 益氣力厚腸胃

△按萍蓬草乃源順載崔禹錫食經曰骨蓬根如腐骨鹹
 大花黃色莖頭著葉者也紀泉攝河播州之池沼甚多
 夏月採根切片曝於暑熱石上如值陰雨則色變黑不
 堪用畧似腐骨故俗呼曰川骨葉似欬冬葉而畧軟
 倭方多用入金瘡折傷產前後藥中以爲破血止血之
 要藥然本草不言其功者何耶近頃出白花或紅花者
 人以爲珍用茶會之花耳



睡蓮

俗云龜蓮
 又云羊草

本綱睡蓮即萍蓬之類也葉如荇而大其花布葉數重當
 夏晝開花夜縮入水晝復出
 △按睡蓮池中有之花大寸餘如白蓮狀晝未時一時開

花故名年草



荇 杏音

荇 音 水鏡草
水葵 鳧葵
鱸子菜 接余
金蓮子
和名阿佐ヶ

本綱荇處處池澤有之莖白而葉徑寸許似蓴而微尖長
在莖端浮水上長短隨水深淺根甚長在水底如釵股上
青下白夏月開黃花亦有白花者結實大如棠梨中有細
子此與蓴一類二種也

葉 甘冷治消渴去熱利小便傳諸腫毒 毒蛇螫傷入
肉中痛甚者以物包之知一種以荇葉覆其上穿

△按荇其花如小蓮華而浮平水上甚美也近于人家池
未見之

金蓮花 銀蓮花

畫譜云金銀蓮花有二種湖中甚多園林盆蓄水種之
但取二色重臺者可愛蓋此荇之一類也



蓴 純

柿 卯柳 水葵
馬蹄草 露葵
和名沼奈波
今云蓴菜

本綱蓴生南方湖澤中葉如荇菜而差圓形似馬蹄其莖
紫色大如筋柔滑可羹水深則莖肥而葉少水淺則莖瘦
而葉多其性逐水而滑故名菹菜夏月開黃花結實青紫
色大如棠梨中有細子春夏嫩莖未葉者名稚蓴葉稍舒
長者名絲蓴其莖如絲也至秋老則名葵蓴或作共味甘
冷和鯽作羹可食 多食發痔和醋 食令人骨癢

治癰疽以蓴菜莖或葉子搗爛傳之未成即消治已成即毒散
 △按蓴性滑而長如絲繩稱奴奈波則滑繩之畧也惡泥
 喜沙故不生淤泥中其葉不出於水上凡蓴菜不可盛
 漆器如犯之則漆色損也山城淀伏見川上多有之以
 淡醬油煮啜脆滑甘美

金立花



立金花

俗稱未詳

△按立金花生池澤中葉似虎耳草葉而無白茸深青色
 背色淺微帶紫理四五月抽黃頂開六瓣黃花結實有
 細子又其莖葉花皆同而橫韌者名金立花

△按水葵生池澤中莖端一葉如萍蓬草樣而小又抽莖
 生小葉似山丹及那岐木葉故名那岐開花似桔梗花
 而深紫色數朵甚美又有白花者結子中有細子


藻類



水葵

みぎわら

那岐



藻

早音

馬藻 菹音

水蘊

和名毛 一云毛波

本綱藻水草之有文者水中甚多有數種

馬藻 葉長二三寸兩兩對生入藥用之

水蘊 又名鯁草 蘊葉細如絲及魚鰓狀節節連生

菹 水藻也農政全書云生陂塘及水泊中莖如鹿線

長三四尺葉形似柳葉而狹長故名柳葉菹

氣味甘滑凡天下極冷無過藻菜但有患熱毒腫丹毒者

搗傳之厚三分乾即易其效無比

本草必讀 所圖

大葉藻

海藻

海蘿大葉藻

本綱海藻乃生海島之藻也黑色如亂髮而大少許葉大都似藻葉也有二種生淺水中如短馬尾細黑色者馬尾



海藻

藻也生深海中葉如水藻而大者大葉藻也海人以繩繫

腰沒水取之

海藻 寒苦鹹 氣味厚純陰而沉也 州反甘 治癰瘤馬疥諸瘡

堅而不潰者利小便下水腫治五膈痰壅

東垣散腫潰腫湯海藻甘草兩用之蓋以堅積之

病非平和之藥所能取捷必令反奪以成其功也

△按生海島水上者曰藻生海中石上者曰苔今藻苔共

通曰苔而海苔類以充食品者凡三四十種隨形色及

所出地立名不能悉記畧見于左



莫鳴菜 神馬藻 漢語抄

俗云穗俵 保太和良

倭名抄云本文未詳但神馬莫駱之義也

和漢三才圖會 水藻 藻類

今按此藻莖細扁長三四尺最長者丈許而有節小極上有
 細尖葉葉間結小圓子中空燃潰之有青出水初正青乾
 則黑色西南海多有之冬取乾之以藁桿一握詐折卷
 束之豫作米俵形名穗俵焉正月蓬萊盤飾



海髮

馬尾藻
 和名以木須

倭名抄引食經云海髮嫩小其色黑狀如亂髮
 △按海髮本草所謂馬尾藻乎阿州淡州備州泉州有之
 淡州者為勝長尺餘青色而甚細纖也乾則紫黑色如
 亂髮注水屢晒則潔白煮之則凝凍如石花菜萹莢餅
 之輩盛淺器冷定而纖裁之和醋末醬食之味淡甘美

最為上品俗傳曰煮之者勿語如吐戲言則不成也漢
 語抄謂之小凝菜以石花謂大凝菜者最當矣



石花菜

凝海菜 同
 和名古留毛波
 俗云心太
 古々口布止

本綱石花菜生南海沙石間高二三寸狀如珊瑚有紅白
 二色枝上有細齒以沸湯泡去砂屑沃以薑醋食之甚脆
 其根埋沙中可再生枝也

一種稍粗而似雞爪者謂之雞脚菜味更佳二物久浸皆
 化成膠凍也並甘鹹去寒滑上焦浮熱

△按石花菜今云止古呂低牟或云小凝草豫州宇和島
 之產為最勝相州鎌倉豐州佐賀關之產次之豆州海
 濱紀州熊野浦亦多出之

造法夏月能洗晒乾復又注水晒乾也十日許成白色水
 煮冷定則凝凍如葛糊而不粘用薑酸沙糖等食之能
 避暑也冬月嚴寒夜煮之露宿則凝凍甚輕虛俗謂之
 寒夫或用蘘方木煎汁滌之赤色最鮮可愛謂之色寒
 天城州伏見里製之僧家為調菜必用也又用其濃汁
 塗干紙晒乾則如礬膠紙而久不損傷以飾團扇

ところり

雞冠菜 撰語

鳥坂苔 本朝


雞冠菜

正赤者名錦苔

和名止里佐加九里



△按雞冠菜處處海濱石上生之狀畧似雞冠而有細齒
 有深刻深紅色味淡甘不美古者參河伊勢志摩紀伊
 石見貢獻之如今肥州天草多出之伊豆次之志摩亦
 少出之用薑醋食之又色相似而圓者名楊梅苔



ハイフラン

海蘊

俗用海雲二字

シグ

水雲

倭名抄

和名毛豆久

本綱緼亂絲也其葉似之故名海蘊 鹹寒 治癭瘤結氣在
 喉間能下水

△按海蘊狀如亂絲青黑色柔滑長數尺生石上浮水上
 將採之而滑利難得仍用鮑空貝刮取之阿州鳴戶泉
 州岸和田及對州之產肥大如索楚而有叔安房上總
 下總備前亦多有之皆和薑醋食之微有海鼠腸氣而
 能醒酒醉或未醬汁煮之粘滑似薯蕷汁而佳值溫氣
 則易敗也藏之用海蘊去粉鹽三合密封則耐久用時
 暫漬水出鹽食

本草綱目卷之九十一



於期菜

恐此龍鬚菜也見後

おごのり 和名於古乃里

△按於胡菜生海中石上如亂絲而青色長一二尺米之過時變蒼黑色用銅鍋煮之色青類活東海諸州多有之備前及淡列亦多晒乾為白藻



鹿角菜

ふりり 猴葵 本綱
海蘿 食經
和名不乃利
俗用布苜二字
鹿角菜
和名豆乃末太

本綱鹿角菜生東南海中石崖間長三四寸大如鐵線分了如鹿角狀紫黃色土人采曝貨為海錯以水洗醋拌則

脹起如新味極滑美若久浸則化如膠狀女人以梳髮而

氣味甘大寒滑微毒療小兒骨蒸熱勞丈夫不可久服發痼疾損腰腎經絡血氣

△按倭名抄載食經云海蘿澁鹹大冷其性滑潔然主九竅則海蘿與鹿角菜一物也倭名抄以為二物者非也


凡海蘿生者和醋未醬食之稱生海蘿訓古不處處多出之似石花菜而黃紫色肥州五島之產為最上朝鮮

次之志摩伊豆對馬阿波肥州平戶紀州熊野之產為中與州松前仙臺南部及防州土州之產為下品但與州之產甚多也曝乾用時煮之為糊紙工家用治紙或和石灰為塗城樓壁

產前催生及胞衣不下者用布苜煮汁服之又傳痔脫肛即平安皆取性滑利也婦人用洗髮則舊油不脫而垢能去又織綿布者塗之則箴易行

造法洗水去砂擴干莖上以稗帚洒水晒乾則成裁為方

形取之其功用最多大致民之利
 燒海蘿法用乾海蘿清水去塵握丸裹紙熨之插爛和
 柿漆為糊最佳



十六島苔

雪苔

宇豆布留伊

△按此苔出於雲州十六島故名附生于海中石上長二三尺幅二寸許而細如髮紫黑色味鹹微極美也國守使海人取之入海底採為腰帶而上其所得賜三分一於海人最為苔中之珍也

雪苔

△按雪苔雲州加加浦有之畧似十六島苔而短紫色冬


降石面乍變為苔刮取之至夏則難貯丹後亦有之

俗云白藻

龍鬚菜

未晒者俗呼曰於斯菜見于前

本綱龍鬚菜生東南海邊石上叢生無枝葉狀如柳根鬚長者尺餘白色以醋浸食甘寒和肉蒸食亦佳
 △按龍鬚菜多出於備前長一二尺有極初淡紫色能晒乾則白色形色彷彿紡芋絲



櫻苔

俗稱

△按櫻苔、紀列海濱出之、色黃白或淡紫而似櫻花、凋落乾狀故名、又有松苔、黃白色大、於櫻苔形微似松花。



紫菜

神仙菜
和名阿末乃里
俗用甘苔字

本綱紫菜、生南海中、附石、正青色、取而乾之、則紫色、大葉而薄、按成餅狀、晒乾、貨之、其色正紫。

氣味寒甘鹹、病癭瘤積塊脚氣者宜食之。

倭名抄載食經云、紫菜狀如紫帛、凝生石上、是物有三、四種、以紫色為勝、俗呼曰神仙菜。

△按甘苔者、總名而隨所出之地、異名、色味亦稍異也、總州之葛西苔、武陽之淺草苔、並紫蒼色而味甘美也、紀州之妹背苔、次之、武陽之品川苔、不紫色、味亦迥劣、伊

豆相糲之、海濱亦多出之、只稱甘苔、紫赤色而不細密、味亦不佳。

富士苔、富士山之麓、精進川村出之、形狀似紫菜、青綠色、色味極美。

水善寺苔、出於肥後、色似富士苔、而方形者、煮之不亂、味甘美、近頃不多出、但一一如菜葉、相粘、作方形耳。



石蓴

海藻 倭名抄
和名迹木米
俗用和布字
今云和加米
對麻布曰之弱布

本綱石蓴、生南海、附石而生、似紫菜、色青。

△按石蓴、今云和布也、蓋似紫菜、而色青者、富士苔、水善寺苔之類耳、然以昆布、謂似紫菜、青苔亦共未精。

和布、乃昆布、海帶之屬、非苔之屬、處處海中皆有之、附

生于石罅似昆布而薄狹短味亦相似而色青伊勢志摩出雲多出之炙食又刻蘸醬油或入臠汁亦佳

加田布 紀州加田浦出之績續乾之為方形炙食之乃和布之屬也其鹹而宜僧家調菜



海帶

わらめ

滑海藻 和名

和名阿良女

俗用荒布二字

ハイタイ

本綱海帶出東海水中石上似海藻而粗柔韌而長今登州人乾之以束器物本草必讀云海帶係散有氣味鹹寒催生治婦人病及水病癰腫醫家用以下水勝於海藻昆布

△檢海帶狀似昆布而較黑色長者四五尺有縱皺文柔

韌有林堅實也乾為小乃櫛其葉宜煮食此物難熟能淪之即出黑汁漫於水細刻再和醬油煮之清油少許傳於鍋底則易熟也西南海處處多出如饑年用充飯凡海帶屑如遇雨滴久所漫則變成蛭株即成馬蛭蓋此非情化有情者矣以海帶潔汁灌竹木根則枯

未滑海藻

和名加知安 俗云相良布

倭名抄載本朝令云似海藻而細狹有皺文粗硬味劣故食之者希矣 按遠列相良浦多出故稱相良布可炙食



昆布

こんぶ

綸布 音關

綸青絲綬也誤為昆

和名比呂米 一名衣比須女

本綱昆布生東海順流而生成高麗新羅者葉細黃黑色

柔韌可食，胡人搓之為索，陰乾，從舶上來。中國出閩浙者，大葉似菜。

氣味 鹹酸

能治癭瘤結氣及十二種水腫，與海藻同功。

蓋下氣，故久服瘦人，無此疾者不可食。海島人愛食之，為無好菜，只食此物，服久相習，病亦不生。遂傳說其功於北人，北人食之皆生病，是水土不宜耳。凡是海中菜，皆損人，不可多食。

△按昆布生東海蝦夷松前及臬州海底，附生於石蝦夷島，有號龜田之地，凡三十余里海中寸地亦無不有之。其大者一株而成林，葉長二三丈，謂之長昆布。大抵幅四五寸，長二三尺，海人用鎌刈取之，披腰乃滿于身，則使繩挽浮却。凡蝦夷松前之產黃赤色，而味甚美，為最上。津輕之產厚而味不美，但焙食或為油熬，即佳也。南部產稍黑而味亦劣，矣並傳送之。若按同州小濱市人能調製之，以送四方，其製法以為家秘。今京師亦能之。

故京若狹共得名，專為嘉祝之物，和名似嘉字訓。故乎昆布煮汁甚甜，用可此於鯉煮汁，凡得山椒即味愈美。用銅鍋煮昆布成青綠色最美。亦海藻類，有脊又製白昆布，亦皆如之。凡昆布黑燒，治口舌牙齒病，與梅乾同功。又水腫病人用鯉與昆布水煮食，其鯉則能通小便，二物共以有治水土腫之功也。



鹿尾菜

切き 六味菜

和名比須木毛 俗云七之末

△按鹿尾菜生海中石上，長二三寸，如鼠尾而蒼黑，色煮之正黑而縮味甘鹹，似海帶而脆美。出志摩者良，出於西海者長尺餘，束出之。

本草綱目卷之二十七 水陸草木部 藻類 鹿尾菜 二十七



水松

石帆 水松
二物同類也
俗云海松

本綱水松狀如松石帆狀如栢生海嶼石上草類也無葉高尺許其花離樓相貫連若死則浮水中人於海邊得之稀有見其生者紫色而梗大者如筋見風漸硬色如漆至稍上漸軟作交羅紋人以飾作珊瑚裝



海索麩

俗稱

△接近世西海四國及因幡丹後多有之細長狀似索麩

而青紺色故名海索麩乾送于四方用時盛漆器少時漫水覆亦用漆器則縮不敗用熬酒或醋食之味淡甘脆若盛磁器則潰爛而失味東海亦間有之

苔類

本綱凡苔衣之類有五在水曰陟菴在石曰石濡在瓦曰屋遊在牆曰垣衣在地曰地衣其蒙翠而長數寸者亦有五在石曰鳥韭在屋曰瓦松在牆曰土馬駿在山曰卷柏在水曰藻也




陟菴

水綿 側梨
水苔 石髮
石衣 水衣
藻
俗云阿乎左

本綱陟釐生池澤水中。有水，水中石上生者，蒙茸如髮，有水汚無石而自生者，纏牽如絲綿之狀，俗名水綿。其性味皆同乾之治，為苔脯，堪啗。

氣味甜大，濕中，消穀，強胃，氣止，洩痢。

水苔作紙，青綠色，名苔紙。晉武帝賜張華側理紙，是也。



乾苔

俗云青苔，阿乎乃里。倭名抄以陟釐為青苔之訓者，非也。

カニクイ

本綱乾苔乃石髮，生海中者，故味鹹，為異其長尺餘，大小如韭，葉乾之為脯，又以肉，襍蒸食，極美。氣味鹹温，治癭瘤及痔，消茶積，納木孔中，殺蟲。多食發瘡疥，有咳嗽人不可食。

△按陟釐青苔形色一類，而所出澤與海氣味亦淡與鹹迥異也。售者混之，但陟釐葉細密，香鮮，味不鹹，可辨之。多出干南海，而伊勢之產為勝。每正月內，膳浦取之者，殊良多，食之香味甚美。

黃蜀葵汁 佛手菴 糊為青苔 粉為和末醬 温汁 暖之 粘滑 似黃蜀葵之滑 故假名之

井中苔 井乃古介

本綱廢井中多生苔萍及磚土間多生雜草，既解毒療瘰癧，瘡湯火傷瘡在井中者尤佳。


△按井苔深青色如陟釐而短，亦似板屋苔。

船底苔

不奈古介

本綱船底苔乃水之精氣，漬船板木中，累見風日久則變為青色。蓋因太陽晒之中，感陰陽之氣，故服之能分陰陽去邪熱，又治五淋。一團水。

地衣
仰天皮
掬天皮



本綱地衣乃陰濕地被日晒起苔蘚如草狀者也
氣味微毒 取停水濕處乾卷皮為末傳於陰上粟瘡治
之神效

石蕊
石濡 石芥
雲茶 蒙頂茶



本綱石蕊生大山石上乃煙霧熏滌日久結成早春翠端
開四葉蓋苔衣類也春初刮取曝乾謂之雲茶其狀白色


垣衣
鼠非 垣羸 天非
和名之乃希徒
上馬駿
乃木乃之能布



本綱垣衣即磚牆城垣上青苔衣也
氣味酸冷 搗汁服止衄血燒灰油和傳湯火傷
一種土馬駿 即垣衣之長者故名馬駿共所在背陰古
墻垣上有之歲多雨則茂盛但以長短異名

△按垣衣乃非草類只垣墻苔以字義可解也土馬駿乃
俗云乃木生古屋上及樹樞其葉二三寸闊二三分似
風蘭葉而色淡脊有筋不窄面有細點脊色稍淺冬月

亦不凋無花實
只有謂志乃木草者即瓦松之類見于後



瓦松

昨葉何草
向天草瓦花
赤者名鐵脚
婆羅門草
天王鐵塔草

本綱瓦松生年久瓦屋上如蓬初生高尺餘遠望如松栽
又云瓦松生屋瓦上及深山石縫中莖如漆圓銳葉背有
白毛

屋遊

瓦衣 瓦苔 瓦蘚 傳邪
和名夜乃倍乃古介

本綱屋遊乃生古瓦屋上陰處苔衣也其長數寸者即瓦
松也

△按屋遊即如註也瓦松布草即土馬駿之類北向屋瓦
及山中石土之際陰處生之莖葉似蕨苗而小
極面背共淺綠色春生苗冬枯七八月葉背稍有
甚細小難見根有微白毛如鼠脚脛
凡屋瓦上所生之草亦不一二蓋鳥雀啄菓實來遺糞再
生者故各有本物之形狀唯土馬駿瓦松之輩自苔變
成形者也

烏韭

石髮 石衣 石苔 石花 石馬駿 鬼麗
垣衣亦名烏韭 階蘆亦名石髮 同名異種也

本綱烏韭生大石及水間陰處青翠草茸者似苔而非苔
此即石衣也長者可四五寸蓋瓦松之生干石上者也

百藥艸

本綱百藥草形如瓦松莖葉俱青有如松葉無花三月生
苗四月長及五六寸許根黃白色是瓦松之生干地者也



卷柏

いこひた

萬歲 豹足
長生不死草

未股 交時

和名伊波久美
一云伊波古介

今云岩檜葉

本綱卷柏多生石上宿根紫色多鬚春生苗似柏葉而細
拳如雞足高三五寸無花子以耐久也

氣味辛平治下血及脫肛通月經治百邪鬼魅生用破血
炙用止血

△按卷柏生溪谷石間人家陰處亦移栽之四時青翠色
似檜柏葉其大者高尺餘

地柏 卷柏之生干地上者也

本綱地柏生蜀之山谷根黃狀如絲莖細上有黃毛無
花葉三月生長四五寸許
治臍毒下血與黃芪等分爲末采飲每服二錢蜀人此方
以爲神



玉柏

いんちんぐら 玉塚千年柏

萬年松

俗云萬年草

ヨツホツ

本綱玉柏生石上如松高五六寸紫花人皆置盆中養數
年不死呼爲千年柏萬年松即石松之小者也
氣味酸溫 輕身益氣止渴

石松 天台山及名山石上皆有之似松高一二尺此即
玉柏之長者也

五雜俎云楚中有萬年松長二寸許葉似側柏藏篋笥中
或夾冊子內經歲不枯取置沙土中以水澆之俄頃復活
或云是老苔變成者然苔無莖根彼莖亦如松柏有根鬚
△按衡嶽志所謂萬年松之說亦粗與右同紀州吉野高
野深谷石上多有之長二寸許無枝而梢有葉似松苗

好事者採之藏鏡奩云靈草也欲知行人漸息者投之於益水上之葉開即人存焉凋即人亡也此言可大笑不知性澆米能活也



艾納

カク、ナツ

マノのけ

松衣

末豆乃古介

桑蘚 桑花

桑錢

久和乃木乃古介

本綱艾納乃生老松樹上綠苔衣也和合諸香燒之烟清而聚不散別有艾納香與此不同也桑蘚生桑樹上白蘚也如地錢花樣刀刮取炒用苦暖治腸風下血吐血



馬勃

カク、ホツ

カク、ホツ

馬花

馬竇

灰菰 牛屎菰

俗云保中倍以之


本綱馬勃生園中濕地及腐木上夏秋采之紫色虛軟狀如狗肝大者有如斗者彈之粉出韓退之所謂牛溲馬勃俱收並畜者是也

氣味辛平輕虛上焦肺經藥也故能清肺熱治咳嗽喉痺衄血失音諸病傳諸瘡甚良

△按馬勃園中竹林荒野有之大如鳥卵團有薄皮灰白色肉白頗似麥蘗者食味淡甘既老則甚大形如死首而醜其皮易裂中煤黑色虛軟如綿而粉出傳金瘡止血有神効

俗云未久利

海人草



△按海人草生琉球海邊藻花也多出於薩州販干四方
 黃色微帶黯長一二寸有岐無根髭而有微毛其輕虛
 味甘微鹹能瀉胎毒一夜浸水小兒初生三日中先用
 海人草甘草二味或加土砂包帛浸湯令吃之呼曰甜物此
 方不知始於何時本朝通俗必用之藥也吞之兒吐涎
 沫謂之吐穢汁可以去膈上胎毒既及吃乳則不生用
 如味五香湯可下

和漢三才圖會卷第九十八

石草類

攝陽 城醫法橋寺島良安 尚順 編



石斛

シツホツ

石遂 金釵
 禁生 林蘭
 杜蘭
 和名須奈若
 乃久須奈若
 又云伊波久須里

本綱石斛叢生山谷石上五月生苗莖似小竹節節間出
 碎葉其莖葉生皆青色乾則黃色細若小草長三四寸柔
 韌折之如肉實七月開紅花十月結實其根細長黃色斜
 結甚繁乾則自軟節上自生根鬚人亦折下以砂石栽之
 或以物盛掛屋下頻澆以水經年不死俗稱為千年潤又